



高郭先生文集

二編 自題目方

服部文庫
417
2019
7



117 特
2019
7

南郭先生文集二編目錄

卷之一

擬古樂府四十首

五言古詩三十首

卷之二

七言古詩二十四首

卷之三

五言律詩八十五首

五言排律八首

卷之四

七言律詩百十三首

卷之五

五言絕句四十二首

七言絕句百十八首

卷之六

序十二首

卷之七

序六首

記三首

銘二首

贊三首

說一首

卷之八

墓誌三首

碑碣六首

祭文一首

題跋一首

卷之十

書牘二十七首

卷之十

書牘二十一首

南郭先生文集二編目錄

南郭先生文集二編卷之一

平安

服元喬子遷著

東都

源君嶽

輯校

擬古樂府

鷄鳴

鷄鳴閨門外，狗吠狹路間。兄嫂當知之，早起竊長歎。
蕩子方外宿，五日未來還。結客游倡家，往來從少年。
少年雖可樂，安足奉君歡。潭潭君家府，高牆結重關。
中庭栽_{芝蘭}，前池何所有。芙蓉發且鮮。



庚

二

嵩山房辛

大兄尚言上兄新為官一時府中趨聯駕何翩翩
大婦頭上珠中婦臂上環腰襦雙錦繡中衣雜素紉
相迎東西廂坐起共令顏置樽且調絲歡笑惟萬端
兄弟樂相樂君婦良獨難

烏生八九子

烏生八九子端坐秦城瓊樹枝惜我秦城本自帝王
居旁有上林物生光輝阿母將烏子飛揚其間或東
或西惜我城中年少子雖有金丸無徑蹊請君勿持
彈烏乃上天得所棲惜我人民安知烏鷓雄欲往從

此注

禮記曰鳳皇麒麟
毛詩

皆在郊數

之于誰之屋麒麟乃在聖王郊數中道窮尚復得同
麋鹿惜我赤翅鴻乍極天飛楚人尚復得弋獲之神
龜雖壽乃在江水中豫且尚得施網羅惜我人民各
各有天命窮達當復奈何

長歌行

巍巍緱山巔駢駢白鹿馳僊人王子喬翩翩何自歸
招我以芝蓋期我扶桑枝願從浮丘公遙觀使人思
朝陽傾園葵夕日忽西移今日不努力少壯復幾時

詩小雅四牡駢
注行不止之良

十九首
毛詩小雅伐木篇
伐木丁丁鳥鳴嚶嚶

今夕何夕同席對酒高歌奏以金石此會幾何
憂與時多短髮苦白短日苦過唯酒寫憂樂飲莫辭
人不滿百上壽難斯思念一至鬱鬱累累自君之來
喜不我棄伐木丁丁鳥鳴嚶嚶以歌以和同聲同情
月出高堂清光難忘古人上夜歡樂未央

塘上行

青青澤中蒲託根愛芳辰芳辰忽一邁莫能保其新
倉卒亦不啼心獨內苦辛塘下視流水塘上逐飛塵
念君不安定太息前自陳今日相對樂壽君萬歲期

君行且自愛君行莫為非此行不能隨雖暫牽君衣
終當守空房悽悽坐別離出亦復苦悲入亦復苦悲
恩愛儻不棄願言望君歸

猛虎行

猛虎不從狐窟鴻鵠不遊榆枋燕雀非無巢安知鴻
鵠翔男兒生有志慷慨離家鄉朝分親友手暮在天
一方鄉親豈不懷願望心西傷行行上高山高山一
何長豺狼對我蹲谿風起悲涼高歌出金石激響在
剛腸烈心飢渴自相忘

記

鬼詩

悲哉秋氣日夜催，芳樹蕭蕭人不歸。聊登高臺心益
悲，風送白雲西北來。念君遠道且徘徊，顧思故鄉天
一涯。妾獨鬱陶假寐稀，君來相見復何時。手弄鳴琴
不敢揮，且恐清商音響哀。望盡明月不覺疲，長路漫
漫鳴雁飛。河漢露白夜不晞，牛女淚下沾我衣。奈何
天上多別離。

從軍行

苦哉邊州人，從軍安終極。二子沒沙場，二婦心如刻。

尤傳

少婦新婚來，聞之方悽惻。少子今年征，生死無消息。

豫章行

松柏在高山，鬱鬱摩蒼穹。下瞰培塿間，衆木何叢叢。
大匠持繩墨，乃構洛陽宮。宮觀千餘材，身負棟梁功。
不惜根株絕，不惜枝葉空。管仲一匡合，千載稱桓公。

善哉行

醉日忘憂醒日多，悲迨此暇日聊以相照。瞻彼日月
胡迭而馳，譬如駟馬忽不可追。別易會難，後悔無期。
况此異耶。九常稀淒淒北風飄吹我衣，肴盈酒清。

餐可無_レ旨_ニ。時翩翩相屬不_レ遲_ニ心之所美貴不相疑
維漢有星維斗與其仰觀雲端樂君有依

步出夏門行

步出夏門道道傍逢神僊揖我欲俱與扶我上游天
恍惚從所之乃在瑤池邊王母戴勝冠一笑何嫣然
雙成爲我歌飛瓊舞躑躑傍有列玉樹光彩使人眩
慙慙折一枝手授長相憐

却東西門行

孤鴻萬里翔鳴聲一何悲翩翩彼孤鴻鳥猶有向鄉時

奈何遠游子無由凌風飛獨身在他鄉他鄉誠難爲
親友非故人園林非舊枝騰蛇一失勢泥土亦屢移
東觀滄海水碣石高巍巍上有百草茂朝日生光輝
飛鴻儻駕我所願遠西歸

野田黃雀行

行息嘉木陰步從蒼山阿蒼山出黃雀下啄田間木
彈者亦不彈羅者亦不羅一舉摩蒼天高飛奈雀何
物豐且長成今日四時和多謝少年子歸來共醉歌

長缺可以當解長嘆可以當歡望鄉上山山亦嵯峨
欲對酒無魚欲解驅車無僕悲歌不能竟心中寶茶毒

種瓜篇

種瓜城門外蔓延布畝地瓜瓞不自長附物相係累
新結君惠好乃得此身寄山高不可量海深不可試
賤妾自有誓無言可以比微薄奉枕席安知君高意

升天行

昔游三山上與聞真人言我自居僂境近取誠已然
不見蓬萊山乃在芙蓉巔日出金銀臺光耀粲照天

屑雪和沈瀼一餐長忘年舉手忽高飛遙謝求藥船

獨漉篇

獨漉獨漉黃鵠下啄念子依止不如清水解猛虎出
山威約為鼠其文斑斑人以寢處解磊磊白石得水
益白水深石沒誰知其迹解衣錦裝衣錦自可見揉
茜漆紅紅自可變解昔學畫龍盡力得之世無真龍
雖似何為解滄海之雀游戲田中我欲羅之或西或

東解六

前溪歌六首

青身身一
卷之一
六
洗紅就前溪。紅落溪水流。流水無紅色。總爲不少留。
前溪小草生。連結依岸淡。近坐子細看。一一還結子。
聞郎前溪度。出望非阿郎。何由他人子。故似郎襦褌。
溪邊獨樹花。昨夜爛熳開。偏恐爲易落。不待我郎來。
前溪復前溪。近栽桃李傍。儂家自易知。易知復易忘。
春風使心傷。
黃葛根安在。綿連自踰垣。旁有無枝樹。欲援復不援。
中心苦風翻。

團扇郎二首

團扇白如雪。羅衣素相空。被愛雖無日。感郎方相思。
團扇明月下。非是故遮面。辛苦自難言。不使淚痕見。

懊儂曲

布帆百餘發。一時不相待。歷歷第十三。分明歡所在。

石城樂二首

人言石城樂。石城誠已樂。大船載三千。夜夜競投泊。
陽春二三月。莫樹不可憐。石城冶遊子。莫人不盛年。

莫愁樂

石城人知屈。掌太溯急波。問是何處往往聽。莫愁歌。

估客樂

聞郎發新浦，故來相決絕。郎喜五兩風，儂悲千里別。

襄陽樂二首

今朝發襄陽，薄暮至大堤。問郎何處宿，笑指大堤西。
襄陽城裡烏，夜啼至天曙。江陵三千三，不憚相隨去。
前江下篙足，遣人相參伺。揚州諸估客，催送儂歡來。

烏棲曲二首

芳樹隱隱烏棲止，倡家閨中合歡被。為君待月未下，
帳風入四角，搖香囊。

桂楫錦纜芙蓉舟，紫巾一隊是我儔。慙慙欲看盛飾，
期相約江南採蓮時。

青驄白馬四首

青驄白馬金鏤鞍，到頭迎取知是歡。
人家可憐楊柳樹，勿繫君馬家人怒。
楊柳青青君馬黃，惱殺窈窕西家娘。
齊唱湖中採菱曲，可憐湖邊多躑躅。

楊白花

風裡楊白花，飛入深宮。楊花何事飛不定，令我宮

裡無春風空望三月江南道上楊花不可掃還憐
吹轉春風力時送楊花到江北

五言古詩

擬雜體三十首 并序

夫漢賢創篇五言之美既盡魏才崇飾古風之淳
未渝蓋倩盼在躬非假素絢金玉成相不無追琢
故好古之士莫不以為師祖蘇李尚友曹劉質猶
文自具虎豹之斑裝尚錦反彰經緯之縟者撰思
所至可不然歟爰自洛下降及江南詞人林蔚麗

章華滋新葩競鮮舊根漸朽若夫九變致物衆人
猶悅淫哇之聲五降和音庸夫頗采繁絃之調君
子擇焉然讀其書則必論其世頌其詩則亦想其
人博游藝苑固已盈目旁決言泉時或發口亦足
以極盛玩變而已昔者江生擬作雜體淄澠各嘗
其味衣冠悉像其形可謂絕技余擊節之餘亦不
自量竊因其製復敷三十首庶其刻鶴不成雖慚
吮脛之短相馬無術徒知驪黃之分耳舊有孫許
及袁太尉寥寥遺篇今不多見無繇伐柯但恐添

足按士龍不愧陸足利獲二子宣遠無忝謝宗稱
長一日謝吏部者蓋以其世近江氏有遺然傳其
詩清唐人攸本亦商摧之一也故茲更三家苟全
什數云

古別離

游子輕離別飄忽若風塵行行不復返邈為遠道人
與君一分手何時同一身青青河畔草悠悠道路春
春風日以榮良會日以親譬若枯桑枝安望華滋新
粲粲被與衾恩愛昔相因妾今守空牀展轉長苦辛

閔睡篇輾轉及側

李都尉陵 從軍

結髮為征夫去留自有空念子攜手好悠悠從此辭
歡宴且須更後會未有期晨風忽已起浮雲送我馳
去作天涯客願寄長相思

班婕妤 詠扇

紈素如白雪剪裁作團扇文彩象合歡鴛鴦自相戀
願為握中風日夜吹君面時節忽復移炎涼中道變
此物雖不敝棄捐理自賤

魏太子丕 游宴

高閣鬱雲興，曜靈坐台頌。眾賢好我至，延賞極歡情。
 旨酒復嘉肴，珍膳紛縱橫。棊局各為耦，旁發絃歌聲。
 清夜明月出，照我鄴都城。逍遙游園中，客亦放所行。
 行臨芙蓉池，綠水映丹榮。香來拂衣裳，繽紛隨風生。
 斯樂長相保，千秋未為盈。

陳思王植

贈友

日夕臨高臺，流風飄我裾。忼慨感友生，思念鬱以紆。
 美哉鸞鳳侶，奮翅集王都。五彩相追隨，竒麗各有餘。
 念與二三子，攜手宴城隅。惜哉多別時，無復飽歡娛。

顧我親交義，戀戀心常俱。君子相然信，不做小人渝。
 神龍若泥蟠，靈德在所儲。時已潤萬物，風雲自可須。

劉文學楨

感遇

高會臨清池，流波濺堂皇。中有菱與芡，華葉紛且香。
 燭出歡未闌，素月正澄光。永夜各申懷，相勸在飛觴。
 翩翩孤鴈羽，迴翔避風霜。何意此戢翼，嗟喋清池傍。
 聖明燭八紘，恩被喜無方。豈不知陳力，馳翰愧無章。

王侍中祭

懷德

西京昔麻亂，日月不少休。王室坐失守，盪然為荒疇。

靡靡吾行邁，棄之且遠游。遠游荆蠻鄉，率彼大江流。
 迅風激流波，漂我在獨舟。飛鳥迷舊林，綏狐非故丘。
 客子心易傷，瞻望淚不收。樹葉待涼秋，肅肅安能留。
 忽遇春陽會，復降豐澤周。振纓列高堂，見眷踰匹儔。
 君子固敬始，乃在慎所由。喜我得賢主，解此歲月憂。

愁中散康 言志

邈哉羲農世，恬莫全太和。逍遙無鄙累，鼓腹且放歌。
 伯陽溯其源，莊周揚其波。詳觀諧余心，疇肯及其他。
 夙蒙母兄愛，褊心長愈頗。懶與簡傲成，世務非所嘉。

詩 廟風 栢舟待死
 矢靡他 注矢誓也

詩 周南 桃夭 篇灼灼其華 注灼華之盛

鸞鳳託靈嶽，腐鼠安足多。不圖值枳棘，無所避罽羅。
 神龜保泥土，犧牛斃紛華。願余從至人，高舉餐朝霞。
 彈茲五絃琴，養素除煩苛。謝彼悠悠者，永矢不相過。

阮步兵籍 詠懷

明月照高樓，中夜起悽悲。悽悲者誰子，佳人懷憂思。
 傾城豈不美，零落誠有之。灼灼朝槿華，忽先夕日萎。
 今朝復明朝，焉能長自持。不見太古椿，萬歲為一時。

張司空華 離情

幽房倚薄帷，素月復徘徊。悽悽守獨夜，悠悠以永懷。

望君空懸邈安能上糝臺寒閨切草蟲玄墀滋階苔
迴身欲就枕月色隨我來鼓琴欲託之心結音不諧

潘黃門岳 述哀

春華久衰謝秋樹亦飄零感此留者變想彼逝者形
何由覩之子窮泉漠冥冥入室心如駭夕風餘幃屏
音容雖如在不能髣髴聽夜夢思爾來冀做帳中靈
靈魂已不到復此上墳墓墳墓何蕭蕭繁草停朝露
明星出復沒晨月隱曉霧徘徊亦何益埏側不能任
昔為雙棲鶴今為孤飛鷺朝服豈不肅撫心反故步

陸平原機 羈宦

飛鴻離南渚晨風赴北林俯嘆牽世情仰愧營道心
駕言遠行游總轡遵洛潯洛水豈不踰眇身阻且深
肆目望親戚傾耳空笑音承命崇賢門廁坐承華陰
嘉運黍發迹祗肅鮮華簪遊方士所志羈官豈云今
奈何懷鄉感尋念心若沈雖余媿且狂淚出不可禁

陸清河雲 婦怨

遠行踰山河游宦在京洛京洛多妖麗佳人良所樂
灼灼如桃李嫋嫋秉芳藥雲容出闈闈春姿媚城郭

夕舞俱華袿朝歌連綉幕美目含巧笑細腰競纖弱
流眄當結好誰更待媒妁非君不相棄賤妾焉能託
萬里止東南三歲已零落得問增感念懷書守寂寞

左記室思 詠史

漢祖創英風嗣皇承烈光蕭曹佐畫一韓彭縱鷹揚
謀將誠不乏宗臣繼廟堂層層麟閣上英名鬱相望
興學延文儒治郡得循良天祿列九流京兆謳三王
雖慙三代德視後猶未涼歷歷千餘歲世才一踟躕
吾慕班與馬集成垂無疆

張黃門協 苦雨

宿雲結涼氣朝景溟暘谷階下無人跡商羊何日伏
庭潦為磔壑雷瀝灑室屋草有委泥姿菊無餐英馥
獨酌不成醉獨歌不成曲琴張無慰問桑戶病且獨
沈憂涉陰期蕭蕭素節促

劉太尉琨 傷亂

犬戎傾宗周窮羿覆夏后哀哉神州厄項乃遭陽九
天孽橫長驅城闕失常守赫赫皇晉域陷沒為澤藪
咨余不量力策駑事馳走苟能忠貞堅冀報寵遇厚

鏘鏘寔壘耻國亡家不有愧余功未建日夜撫膺久
 歲寒風霜烈心微草木朽雖抱松栢志年逝不獨後
 朝出北門路馳馬上重阜幽并懼瓦解秦趙方介剖
 攘臂空慷慨草野何莽莽燕王禮樂毅功成恩不負
 仗劍獨感激申志告知友

盧郎中諶 感文

飛梁鬱虹揚衆材粲星陳撐厦非一木濟功非一人
 羣賢乘時會良儔為德隣昔蒙府朝惠忝位列僚賓
 愧此委泥質攀彼騰雲鱗本圖弛負擔豈意垂朝紳

史記

報恩當仗義結交在輔仁幸賴同休戚屢俱涉險屯
 乖離心愈近契濶情益親情親形不偕庶以通精神
 朝步邊城上暮望沙漠塵四疆何多壘舉目增悲辛
 白日蔽雲霧宇宙何時新願窮鴛鴦力千里追駿珍

郭弘農璞 遊仙

扶桑日月窟瀛海神僊居上有街木鳥下有吞舟魚
 銀臺百餘仞豁達排綺疏中有童顏客冥寂讀丹書
 碧瀾相往來紫煙隨吹噓忽復拂霄遊駕龍雲為車
 陵陽為我御洪崖即我輿永謝徐福輩安得尋玄墟

殷東陽仲文 興 瞻

獨寄清秋興，聊尋塵外境。望山愛明遠，避人共幽靜。
晚樹標翠葉，早田挺秀穎。風度疎林色，雲逐清川影。
素節何短促，頽陽惜夕嶺。感此年命似，顧令物理省。
心適物可忘，薄言從所秉。

謝僕射混 遊覽

行樂謝常累，逍遙吾可喪。朝出北闕路，行臨西池浪。
水木相奄映，雲霞共明暢。高臺出遙林，白日插青嶂。
幽蘭遺芳馥，秋葉須風飈。悟彼伐檀詩，歲徂易悽愴。

歸路獨徙倚，悠悠存俯仰。安得惠子知，相忘於濠上。

陶徵君潛 田居

良辰載南畝，相勸秉春耕。時風扇微和，草木欣舒榮。
日夕還吾廬，林鳥相送鳴。故人載酒至，開樽聊共傾。
勸君杯中物，誰羨世間名。白雲澹歸岫，青松挺立庭。
此情難言久，聊且終吾生。

謝豫章瞻 集別

皇命待右職，明牧餞南樓。時有守符客，亦及臥閣陳。
征鴻殊漸陸，別鴈異下洲。途分邈後會，筵同整前游。

奄奄西頽日泊泊東逝流勸觴各易盡握手久難留
肅駕促行裝理楫即離舟蹇劣雖不類綢繆辱匹儔
幸託青雲翮縱飛庶可求

謝臨川靈運 遊山

初志縱丘壑末路躋屯遭幸遭謝病時此全息景年
晨策事登陟日謝區中緣山氣澄朝景嶺雲麗午天
遠巖半含崖回谿停爲淵幽石結松根垂蘿懸淙前
遙貪羣山秀更凌攢峯巔鑿空豈難行窮途未期旋
高頂可棲息絕境自留連雲霞抗賞心形迹占靜便

陽路挺秀芝陰澗響飛泉冷冷風煙輕青青林薄鮮
既悟小魯聖亦羨遊岷僊此意非安排曾是得道玄

顏特進延之 侍宴

王在樂周鎬帝貴嚴漢廷備哉置酒美盛矣當陽明
日御駐瓊筵星列暉玉纓金殿鬱天覆彤基坦地成
階卉挺蕙莢園芳吐早英山紀五雲瑞郊降四物靈
遙睇斥關險回望暨海溟丹都應王氣赤縣徙神京
我后體元施下土得一貞垂拱宗無爲遊宴頤有情
布澤春令暖興樂時律生間奏盡歌變末隸飽罇盈

南... 卷之一
省躬文尸素叨恩屬公卿雖從采風政愧汚鈞天聽

謝法曹惠連 別

昨別未淹時今懷如彌歲况乃風波惡漾漾洲渚際
停艦已無回促裝亦有滯西浦念遠期東山惑遙睇
其感念疇昔歡披對無須言翫志新藻滋折疑舊篇
繁颯颯送風坐娟娟迎月軒適意貴情合賞心在道
存_二其忽遭人事迫復趣世塵塗愛兄惜別離游子悲
行徂悠悠送野亭戀戀即江湖江湖整舟楫回望意
踟躕_三其既分餞館袂且發臨湖舟修渚晦留容曲記

絕回眸孤影從此去雙淚為之流方感汎汎詩更添
恍恍憂_四其風雪朝灑波雲雨夕蔽崖奄忽春時仲未
值良辰佳情悽每少景阻轉多乖旅泊無可訴援
毫布積懷_五其

王徵君微 養疾

北渚寒風起南江芳草枯旅鴈日夜翔羈思在半塗
寒帷矚月華皓皓盈天衢天衢豈不大眇然顧茲軀
久無金膏驗丹梯詎可踰病兼積憂長心與孤景俱
如彼鍛翮禽徘徊望玄都

謝光祿江郊遊

四時結野駕，良辰肅郊裝。
振衣分晨霧，移步向天光。
鳳嶽方隱曖，靈川正微茫。
石出流轉激，林來華愈芳。
魚樂知濮水，雉性協山梁。
樵道雲煙際，農籬日午旁。
捨簪任容與，信杖自徜徉。
夙齡丘壑好，多年茲未央。

鮑參軍昭戎行

丈夫思殉國，義烈在投軀。
驃騎方北伐，從軍萬里塗。
鐵甲何鏘鏘，羽箭帶彫弧。
既到邊塵合，奮身入驕胡。
始圍虜名王，再擊奔單于。
三戰掃沙場，漠北無匈奴。

歸入玉門關，復戍長城隅。
將軍試武力，射獵事馳驅。
猛虎動牙齒，當我負山嵎。
發的一何巧，飲羽僵草蕪。
少壯誇勇彊，年歲忽相踰。
死輕知賞重，功實識名虛。
誰憫邊馬老，徒泣河魚枯。
上恩持一身，白髮還舊都。

休上人怨別

秋風何處至，吹我瓊樹枝。
容華坐摧落，正是斷腸時。
聊倚高臺夕，試望浮雲陔。
明月含千里，流照天一涯。
瑤帶一相結，錦衾復為誰。
嘯歌依寶瑟，心曲亂朱絲。
相思為君調，調長情轉悲。

謝吏部閒坐

獨坐對南山，林光圓午景。高齋無塵事，羈身遇幽境。
風留雲不移，鳥喧晝自靜。逝波送清江，靄翠引遠嶺。
春酒幸病微，風琴依歌永。賴此抱關情，迺絕奔競影。
寄言軒冕客，賞心聊可省。

南郭先生文集二編卷之一

南郭先生文集二編卷之二

平安 服元喬子遷著

東都 源君嶽 輯校

七言古詩

秋扇歌

殘香空帶合歡扇，畫裡顏色暗。雙燕雙燕雙飛日，夕
空霜露八月降。漢宮上有中天之明月，下有搖落之
秋風。美人悵然起，自疑故物難棄情。所悲只恨弱質
遠零落，不似握奉恩時

西都賦旁流百壟

史貨殖傳

國語

移居西江地甚迥惡戲作棲鶻行

郭西西窪舊山谷百壟旁流閩民屋屋上有山千尺
高左岸右崖無平陸居民俗惡元偷生西逼寺院北
墳塋井邊白骨往往見磬鐘雜起歌呼聲鶻是雲霄
猛羽翮何事垂翼此容迹從來錯認古鬱林那知鶻
塵且迫窅秋雨十日懸空泉崩沙奔石東涯坼衆鳥
翱翔樂自如燕雀啁啾鶻鶻乎何足寄雄姿風
霜憶昔寒山枝骨瘦毛摧回深目依巢側身擁羣兒
威約只畏鶻鶻笑眩視低頭且憂悲爾不見古人重

卜鄰風物山川擇里仁吾拙總是致軼軻鶻兮鶻兮
可奈何

臨高臺送芥子豐還西京

臨高臺高臺百尺天涯闊就中西望長安道羨君萬
里能即回芙蓉五月如麕斑玉鞭直指白雲間送君
翻然共鳥過明朝忽隔萬重山長安到時足交遊四
時行樂應不愁君歸更復臨高臺一為老夫東望不

松前公子齋前新竹歌

活不見松家公子子猷才齋前愛竹于自我去年今

羊益繁殖四月二月苞叢開鳳鳴鳳闕通氣氲第裡
樓臺氣色分中有公子之竹三百尺琅玕日拂西宮
雲正是清言堪幽賞何可一日無此君君家列卿漢
清官已見柱後惠文冠即今並傍霜臺栢他日亦應
凌歲寒

經七里濱入鎌倉云是古戰場慨然作歌

伊昔鎌倉古障堡新田猛將自此道相陽猶餘十萬
兵守隘無地虛可擣稻崎回岸海水高旌旗閃閃遍
洲島三軍義烈泣鬼神大將沈璧爲鯨濤須臾廣斥

退潮乾海變桑田破天造前隊已聞拔郊壘殺傷積
崇如獲薙攙搶暴出相山搖海瀧顛倒大鯨死君不
見古來戰場血流鹵今日主客皆黃土黃土空埋蒼
精龍波洗尺鐵無全鋒洲沙漠漠行人望唯有當年
老古松

閉戶先生歌

人道閉戶先生廬先生懶惰營業疎畏客常苦無蒿
徑幸有塗泥自沮如晝寢便便五經笥充食未飽腹
巾書束都五月外瀕海房總日送葛于魚荷擔競呼

南 集二編 卷之二 三
諸惡少一頭買得當菜蔬此時先生午睡起索酒引
觴憶肉美盛來初訝瑪瑙盤盤空琥珀落牙齒濁酒
一杯志願畢何求鼎食更添指四隣囂囂賈者盈向
來爲爾不惡市

促織

促織爲誰切通宵鳴不絕無關驚懶眠應爲悲離別
反側聽時耳屬垣不覺枕衾添淚痕起坐不安寒帷
望月色如霜聲益繁玉樹吹盡秋風落蠅蠅蕭蕭入
草根爾繁有徒尚何陳爭似妾獨傷心神神魂夢斷

長相思云誰之思遠方人天涯月色寒將曉無爲心
肝摧此身不如還入抱影卧仍自空牀與爾親

薛荔館在長大夫山內君別莊周南縣生爲

作記也又屬二三諸友詩之余不可辭則爲

縣生遙想作歌

薛荔主人德不孤縣生作記勝畫圖生也周南古文
學主是長國上大夫館中物色三千里誦之宛如在
海隅海隅北來廣莫風鞞鞞朝鮮樂浪東其他城郊
多少景坐收薛荔山上宮薛荔館前碎荔多服之無

華集二編 卷之二 四
載山之阿絲竹泉間應洗耳空翠潭山晚來波富貴
未知在身裡寤言不忌碩人過吾聞大夫十年一狐
裘政成清靜得優游優游既告新令尹但來日討薜
荔幽借問誰是共乘者還似子產於野謀周南縣生
述此事竟卷神遊忽如睡安得從彼美人於西方一
問華胥樂國意

大淳師至自信中攜禪餘稿佳甚臨別作歌
兼寄獨雄師

信中淺間稱大嶽火火山巔聲礧礧十里烈缺天門

壞爆石磊磊如雨電世人從來隔塵埃不可嚮迹空
靡嵬何知中有五色石淳師神變拾得回攜將囊裡
為我發方信君是補天才底事未及敘殷勤忽復金
策凌霄分曰井關頭遙紫氣驚湖水上偏白雲山中
歸到逢雄公與君此道心應同為報時取支機石一
憑搓客贈海東

同諸子帆海至本牧港

金川之海本攸山進舟欲接一葦間左顧長驛家家
出石野連喬樹甚閑魚鰕行就漁船水持螯豪興圖

拍浮酒樽傾來益鼓柁掛席破波向海流舟人忽報
本牧坳仰頭危木斷山青受潮絕壁如削立倚崖纔
轉即滄溟滄溟焉知天地中鄒家九州寰宇東且看
萬里萬船至蒼茫只信五兩風回楫傍巖知何處云
是十二天僊宮至此迴望隔烟波乘興風濤發醉歌
將令天吳供擊鼓笑殺泛湖弔湘娥

苦熱行

畏日炎旱正煌煌雲雷空望南山陽由來甕牖繩樞
子上焦下蒸絕微涼不知魏臺鑿冰井詎有燕地吹

墜霜火德乾坤一何盛赤帝斬蛇白帝藏噫吁嚱苦
乎毒熱之苦良苦哉諸葛深入瀘水渡伏波遠征武
溪隈富貴功名夏畦似受命飲冰亦甚哀北窓昔擬
羲皇人偃蹇尚得存此身

月出歌送櫻生還郡山

三蓋山頭月出光天涯孤客空斷腸君不見日本晁
卿遊異境金門直入秘書省萬古風人開天間提李
挈王父馳騁兼傳和歌一何悲當時東望明月影明
月出扶桑條十洲三島拂紫霄此道此人人所羨

千載已暮自寥寥南都之南富雄水石歸試求何處
是三蓋山頭月出光皓兮看時憶我否

圈熊行

蒼髯賈客何郡郎，桺養制熊如癡羊。路上日覓看錢，
利行人繞立似堵牆。維熊幽蟄深山，獸壯姿強力男
子，祥縱死願供長楊。獵生前夢遊帝所，傍嚴冬臘月
飛大雪，古木怪巖蹊迹絕。右擎白虎，左黃羅世人那
得窺深穴。今日昏昏只作眠，還與雞犬同饑渴。嗚呼
古來英雄多拘累，爪牙摧折神不死。俗子侮弄休近

前一朝飛騰還噬爾

難波客舍歌

八間樓上南去，客八間樓下北來。舟問君駐舟自何
處，東極江都西帝州。問君此去向何處，難波風俗堪
壯遊。城闕邑屋海雲邊，五方雜錯萬國船。江南江北
青樓女到處，隨意擁花眠。勸君鸚鵡杯中物，一杯一
斗斗十千。勸君行樂好，自愛明朝回首各風煙。

秋風引

風瑟瑟樹蕭蕭，百草衆芳日夜銷。君不見屈宋憂愁

留楚騷萬古文章日月高名空在人云秋來幾年代
代代尚見古人情復此悲秋百感生借問百年悲何
事不須千載垂空名憂來但把忘憂物欲忘不忘對
月明明月江山自悠悠對此停杯雙淚流已見洞庭
秋風樹紛紛且盡搖落秋

白馬篇

白馬龍驤八尺疆銀鞍輕跨錦襖一揮迴日金鞭
色一顧生風紫陌傍傍人見者不須言良家子弟功
臣孫虬髯虎頭真將種紫石稜眼英風存射獵彎弓

弦

三百斤鳴絃且伏羆豹群握中買得千金劍鞘裡盛
來北斗文願將此劍不空沒奮身萬里報吾君忼慨
曾思班定遠功名且憶李將軍將軍新自玉關回殷
勤爲酌蒲萄杯勸杯談笑爲君道比來何處有塵埃
已見漢德懷匈奴款塞願朝大單于天旆遠來西極
馬地府遙貢南海珠九夷八蠻皆重譯何況四方本
無虞且見長安諸貴遊車馬紅塵似水流嬌花弱柳
娼家女燕舞鶯歌春酒樓千金買笑百金醉醉來不
惜拋纏頭今日請君且安坐什平坐何萬戶侯

友人東莊花樹歌

東郊卜築大江邊，主人不惜買山錢。
習氏襄陽池水曲，謝家春草草堂前。
春樹滿園皆著花，上映紅霞下白沙。
初入疑施錦步障，坐定飛香送芬葩。
風遲但愛落花靜，景永何憂落日斜。
主人樽中酒不空，花時日飲東郊東。
此地春色誠應惜，酒酣仍對落花風。
願乘春風猶未盡，花底重謁主人翁。

得僊臺佐容翁畫喜而作歌寄贈為謝

僊臺僊翁八十二，脫灑風塵愛幽致。
善書善畫兼詩

篇丹青尤極真，能事由來此道通。
化工歎息人間總如棄，念此流俗與誰論。
料得此翁同此意，意同無路見畫僊。
空憶扶桑欲盡邊，揮毫五彩五城上一拂。
十洲三島煙如斯，真畫不易得。
詎圖忽向塵區傳，此時倦去暗春興。
此日醉來牽晝眠，得之驚起纔刮目。
草堂生色春風前，睡起之圖初展開。
齋中恰對何奇哉，氣韻滿縑逼人動。
僊翁六法健不摧，喜極興來頻把酒。
笑問山童酌幾回，止渴何必茶三椀。
解醒應須酒百杯，醉歌且望海天東。
明月高出送雨風，想君盤礴

真畫史此時此意亦應同
安得一從歸鴻翼東過碣
石階僊翁

鬪鷄篇

禁城三月進鬪鷄
縱觀羣赴杏花西
朱冠金翼爭翕
赫養就唯看力氣齊
九重傳呼南殿開
花覆丹墀影徘徊
已分左右前相敵
頸毛蝟刺憤起來
鐵爪據地未輕應
鷹眼血裂不遑回
忽舉互當氣益奮
銅距金觜鬪欲摧
錦毛颯颯隨風落
何惜鮮彩碎塵埃
擣虛隨轉巧迴避
蹴空驚脫還墮
頽曹伍相視握霑汗千

人萬人共扼腕
休疲選勇戰未酣
勝敗頻分且改觀
誰家俄進出群
英雄質從來骨不
同壓倒難容敢當
者怒勢憑凌一擊
中狸膏芥粉圖何
怯長鳴餘勇翼生
風大鷄小鷄駭却
走頤敵共知伎力
窮堂上庭前同嗟
賞衆謹未已場乃
終君不見天下專
場無所事祇應一
供君王嬉

送宮子雲還張海

宮生東學且三年
歸養老親張海邊
張海自古稱蓬萊
盤頭此之滄溟開
且生珠玉三花樹
更起金銀百

尺臺上有僊人，不死藥宮生。藥囊採得回，不羨世間
椎牛養親歡。日酌長命杯，笑他秦政無。僊骨多欲窮，
年身亦竭笑。他徐福擾僊區，童女三千何所須。人惜
宮生抱利器，身隱江海未肯試。吁嗟宮生用來一割，
何足誇別有千秋不朽之盛事。君看千載古神宮，歸
然獨存張海東。中藏帝子斬蛇劍，威靈赫赫至今雄。

春夢吟

春宵春夢一何短，又被風雨來截斷。憶得明日看花
約，豈謂空從風雨惡。昨日春風滿樹花，一宵春夢還

零落君不見，萬事人間何可執。朝來飲酒昨夜泣。

長別離

漢家天子寵胡客，待詔昭君出宮掖。報恩自應有它
途，賤妾何知國。長策良家親戚生，別離掖庭姊妹不
堪悲。昨日長安行樂處，今日天涯無見期。北風吹送
天山雪，胡馬悲鳴毛鬣裂。手凍琵琶不堪彈，哀音惻
惻心斷絕。萬里零丁送一身，氊裘共擁黃河濱。生來
永棄胡地妾，死去誰憐漢宮人。生死終天大漠北，定
知幽魂歸不得。

夜坐吟

夜坐草堂明月，杯清風颯然。爲我來富貴功名一樽酒，何用襄王百尺臺。君不見閒麗曾誇宋玉姿，冶遊少壯復幾時。高唐賦就眞成夢，雲行雨散髮如絲。

俠客刀歌

明曆中朝士某勇悍用大俠，聞卒亦以陰賊賜死。有人藏其佩刀，烏石生攜至時適客滿酒酣，乃傳觀之。雄偉非常，重數十斤。自鐵銅具使人竦然，裝作小刀，其大可知。

座客忼慨頗作髮衝之氣，因下酒數斗，相與作歌。

俠客遺風有此刀，鐵環拄頤何麤豪。心俱剛鐵不受屈，片身有侵如拔毛。此刀雄壯眞可倚，邑屋誰得箕踞視。五陵紛紛飲博徒，結徒相競止賴子。嘻笑感慨杯酒間，未及相讐人即死。擲出淋漓觸髓血，酒血膾肝酣未竭，剽攻推埋何足誇。自謂一刀任千截，天地一時何不仁。憶此今日泣鬼神，試發鮫函閃電出。裂眦驚看滿座人，何物俠雄夜含冤。冤魂凝結骨如韃。

鐔邊一缺今見存血漕羶痕猶可認生死彼此已成
灰猶幸此刃收威震

南郭先生文集二編卷之二

